

է ջողապէս վերջացնելով՝ նոյն համալսարանում թողնվեց որպէս պրիվատ-դոցենտ, մի քանի տարի, իսկ 1900 թ. միևնոյն համալսարանում դասախօսութիւններ սկսեց կարգաւ արդէն, որպէս պրոֆեսոր վրաց պատմութիւնից և գրականութիւնից:

Վարելով հանդերձ այսպիսի կարեւոր պաշտօն գիտութեան բարձրագոյն տաճարում, հանգուցեալ ուսուցչապետը աննկուն կերպով աշխատում էր վրաց բանասիրութեան և առ հասարակ գրականութեան ասպարէզում, տալով գիտական նորանոր արտադրութիւններ և ուսումնասիրութիւններ իրարից ասելի հետաքրքրական և կարեւոր, որ մենք չենք կարող մի առ մի թելել, ի նկատի ունենալով օրաթերթի սուղ էջերը:

Ա. Սախանովի անգուշ աշխատասիրութեան գլուխ գործը իրաւացիօրէն համարվում է վրաց հին գրականութեան ուսումնասիրութիւնը, որպիսի ասպարէզում նա մեծ դեր կատարեց, որով և վրաց գրականութիւնը նրան մեծապէս պարտական է:

Սակայն նրա քայքայված առողջութիւնը չէր կարողացաւ դիմանալ յոգնեցուցիչ և ծանր աշխատանքին, և նա դեռ ևս երիտասարդ հասակում զոհ գնաց թոքախտին:

Այսպիսով անողորմ մահը խնց և մի բեղմնաւոր գրական դէմք, լուսկիաց. բայց և խիստ արդիւնաւէտ գործիչ, որի մահով գոյացած բացը շատ զգալի կը լինի առաւելագոյն վրացիների համար:

Իր կաճատեւ, բայց բեղմնաւոր կեանքի ընթացքում Ալ. Սախանովը ամենայն սըրբութեամբ կատարեց իր քաղաքացիական պարտականութիւնները հանդէպ իր հայրենիքի և վրաց ազգի, որին օգնութեան հասաւ իր մահից յետոյ էլ նիւթապէս, թողնելով 45,000 ռուբլու չափ իր կարողութիւնը վրաց մէջ Գրագիտութիւն Տարածող Ընկերութեան կրթական նպատակներով, որպիսի Ընկերութեան հիմնադիր և գործունեայ անդամներէն էր ինքը հանգուցեալը:

Գասպարեան

ՄԻ ԱՌԱՋԱՐԿ Է՛Լ

Այսօր հրապարակի վրա է գրված, թէ ինչպէս պէտք է տօնել, յաւերժացնել հայկական կուստուրական կեանքի երկու մեծ տօները՝ տառերի 1500-ամեակը և տպագրութեան 400-ամեակը:

Դեռ մեծ գործը իր սաղմի մէջ երկպառակութեան ենթակայ է՝ Վիճում են լրագրութեան միջոցով, թէ էլ միաձնի առաջարկներն են ձեռք և կարեւոր, թէ Թիֆլիսի Յօր. Յանձնաժողովին:

Կուղէի ես էլ իմ խօսքն ասել, գիտակցելով որ ամեն մի մարդու պարտքն է, եթէ հետաքրքրվում է այս խնդիրներով, իր ձայնը բարձրացնել:

Դարեր շարունակ մենք գիտենք, որ հոկտ. 13-ը ս. Թարգմանչաց տօնի օրն է եղել, ուրեմն և աւանդութեան քերանով մեզ հասած ու շատ բան հաստատող այդ օրը թող մեզ համար նշանակութիւն ունենայ և պատմական դառնայ այս մեծ տօները նոյն օրը կատարելով: Այնուհետև մինչև այժմ հրապարակ զրված առաջարկութիւններից, իմ պարծիքով, ամենից լաւագոյնը և արժէքաւորը էլ միաձնի Յօր. Յանձնաժողովի որոշած

Ե՛րպրոցական ֆօնդն» է: Այդ որոշումը միանգամայն նպատակայարմար է, որովհետեւ այդ ֆօնդից համայն հայութիւնը կարող է օգտվել և հայկական ցրիւ մասերը օղակող էլ միաձնի Յօր. Յանձնաժողովն այլ գեղեցիկ որոշում անել չէր կարող, քան այդ: Երկրորդ տեղը կարելի է դնել ԵԳրական ֆօնդին հարցը, այն տեսակէտից, որ գրականագէտները պատկանում են այն դասակարգին, որոնք մշտական շահագործվում ու տուժում են յանուն հասարակական շահերի, հետեւապէս գրականութեան սրահին են նրանք և հատուցման արժանի:

Այնուհետև բացի այն մասնակի ու թեթեւ հարցերից, որոնց իրականացումը մասնաւոր անհատներին, խմբակցութիւններին գործ է, աչքից չէ վրիպում մի համայնական շատ կարեւոր և ժամանակակից հարց: Այդ՝ Ոչականի ս. Մեսրոպեան դպրոցի ձեռնարկն ընթացիկ դարձնելու և ս. Մեսրոպի կրթասփռու հարցն է:

Հարցեր, որոնք առանձին ուշադրութեան արժանի են, որովհետեւ հայ ազգը ս. Մեսրոպից դուրս պատմական մեծ նշանակութիւն ունեցող անձն գտնել չէ կարող, հետեւապէս արժէ, որ նրա յօրինանի օրը մի մեծ գործով յաւերժացնենք նրա մեծ անուշանը, աշակցենք իրականացնել Ոչականին, յանձնաժողովի որոշումները՝ Իրօք՝ Եթէ նայենք անցեալին, ս. Մեսրոպի համար հայ ազգը ոչինչ նշանաւոր բան չէ արել, մինչդեռ մենք գիտենք, որ վերածնութիւնից յետոյ է, ինչ մարդկային միտքը՝ դարերով կաշկանդված միջնադարի հեղձ մթնոլորտում՝ սկսում է արագ նուաճումներ անել քաղաքակրթութեան իրական լայն ասպարէզում: Մենք գիտենք, որ հայ տպագրութիւնը տառերի գիւտից յետոյ ծաղկեց, ուրեմն հայկական վերածնութեան արգասիքն է, նրա հետ անպայման պատճառապէս շաղկապված, առանց նրան չէր կարող ծնվել ու ապրիլ, ուրեմն տառերի գիւտը աւելի կարեւոր է և նշանակալից:

Պատմական մեծ փաստ է, որ տառերի գիւտը կատարվել է ս. Մեսրոպի ձեռքով. նա մեզ կենդանի պարեցնող լեզու է տուել, ուրեմն էլ ինչպէս պէտք է մոռանանք նրան՝ մեծ վարդապետին և այժմ իր հերթին նրա մեծագործութեան դիմաց գոնէ մի չնչին բան չանենք նրա համար: Գուցէ շատերը անհիմնիմբար արժանի չեն գտնի նրան մեծարելու: Մենք կարծում ենք այդպիսի բան լինել չէ կարող, որովհետեւ ինչ որ միժուլիւն է, նա յարգանքի է արժանի և փոքրուկներն լինել չէ կարող այլևս. ով ապրում է ցեղի սրտում, նա ցեղի պաշտամունքի առարկան է ու երկրպագութեան արժանի մեծ կոթողը: Այդ գործը իրականացնել իրօք ամենքիս պարտքն է:

Ուսուցիչ

ՏԵԼԵԿՈՒԹԻՒՆՆԵՐ ԳԱՆԱՌԻՑ

Անադրեթուրիւն Է

Բօրժամ, 24 յուլիսի

Ամսիս 22-ին տեղիս հայոց ուսումնարանի օգոսին «Միներալին» պարկում, նախաձեռնութեամբ սր. Կալաքեարեանի և հոգաբարձութեան ու պ. պ. Միլքոն և Յովհաննէս Յակոբեանների մասնակցութեամբ, գրօսանք տրվեց: Դեկլավարութեամբ դերասան Օնանեանի ներկայացվեց «Օղորտնա» օպերա